



DELEGASJONSREGLEMENT FOR MØRE BISPEDØMERÅD

Instruks og fullmakter til stiftsdirektøren

Møre bispedømmeråd fastset delegasjonsreglement på grunnlag av reglar for bispedømmerådets verksemd med heimel i kyrkjelova § 23.

Reglementet er vedteke av Møre bispedømmeråd i møte 04.09.2009 og trer i kraft 01.10.2009 etter mindre justeringar.

1. Generelt om utøving av delegert mynde.

- 1.1 Bispedømmerådet gjev stiftsdirektøren mynde til dagleg forvaltning og leing av bispedømmerådet si verksemd i samsvar med gjeldande lover og forskrifter og vedteken årsplan og budsjett.
- 1.2 Prinsipp saker og saker som er særleg viktige, skal leggjast fram for bispedømmerådet eller arbeidsutvalet for vedtak. Dersom hast i slike saker gjer dette umogleg, skal dei handsamast i samråd med leiaren for bispedømmerådet og refererast i neste bispedømmerådsmøte.
- 1.3 Stiftsdirektøren kan delegere til andre i staben å gjere vedtak i saker. Dette skal i så fall gjerast skriftleg.

2. Økonomiforvaltinga

- 2.1 Økonomiforvaltinga skal følgje instruks for økonomiforvaltinga i Staten og økonomiinstruks for Møre bispedømmeråd.
- 2.2 Bispedømmerådet delegerer til stiftsdirektøren å stå for den daglege forvaltinga av midlar bispedømmerådet har fått tildelt over statsbudsjettet. Delegasjonen gjeld også forvaltning av dei statlege tilskotsordningane og innsamla midlar. Delegasjonen gjeld innanfor den vedtekne planen for verksemda, vedtekne budsjett og gjeldande retningslinjer for tilskotsforvaltinga.
- 2.3 På bakgrunn av budsjettvedtak tar stiftsdirektøren avgjerd i spørsmål om i kva omfang bispedømmerådet skal løne vikar i ledige prestestillingar. Slike avgjerder skal meldast prostane snarast råd.
- 2.4 Stiftsdirektøren legg frem økonomirapportar for bispedømmerådet kvart kvartal.

3. Personalforvaltinga

- 3.1 Bispedømerådet delegerer til stiftsdirektøren å innvilge permisjonar på inntil 6 månader for staben ved bispedømekontoret i samsvar med gjeldande regelverk. Stiftsdirektøren fastset ferietidspunkt og godkjenner overføring av ferie frå eitt år til eit anna i samsvar med ferielova, og godkjenner tidspunkt for uttak av seniordagar og avspasering.
- 3.2 Gjeldande reglar for arbeidstakers rett til å ta del i avgjerder skal praktiserast ved at det blir gjennomført kontaktmøte med tenestemannsorganisasjonane. Stiftsdirektøren representerer bispedømerådet sitt arbeidsgjevarmynde i desse møta.
- 3.3 Stiftsdirektøren får mynde til å representere arbeidsgjevar (etter Hovudavtalen) i det daglege og representere bispedømerådet i partssamansette utval.
- 3.4 I tilsetjingssaker får stiftsdirektøren får mynde til saman med biskopen å avgjere kven av søkerane som skal intervjuast, jf Personalreglementet § 6.3.
- 3.5 Stiftsdirektøren fastset lønsplassering for nye arbeidstakarar, både fast tilsette og vikarar, og underteiknar alle arbeidsavtalar.
- 3.6 Stiftsdirektøren leier, på vegner av arbeidsgjevar, lokale lønsforhandlingar for presteskapet innanfor rammer fastsette sentralt.

4. Delegasjon etter Lov om Den norske kirke av 7. juni 1996

Stiftsdirektøren får fullmakt til å treffe vedtak knytte til følgjande reglar:

- 4.1 - godkjenne opptak av lån på vegner av soknet, jf. kyrkjelova § 16, 1. ledd.
- setje i verk nødvendige tiltak når kyrkjeleg fellesråd har gjort vedtak om betalingsinnstilling, jf. kyrkjelova § 16, 4. ledd.
- 4.2 - samtykke i at fast eigedom som ikkje er nødvendig for kyrkja, kan avhendast, jf. kyrkjelova § 18, 3. ledd.
- 4.3 - samtykke i at avkastninga av kyrkjefond kan nyttast til andre kyrkjelege formål i soknet eller i andre sokn i kommunen, jf. kyrkjelova § 19, 1. ledd.
- 4.4 - samtykke i at kapitalen i kyrkjefond kan nyttast til andre kyrkjelege formål i soknet eller i andre sokn i kommunen, jf. kyrkjelova § 19, 2. ledd.
- 4.5 - godkjenne reglar for betaling for bruk av kyrkjene, jf. kyrkjelova § 20, 2. ledd.

5. Delegasjon etter Lov om kirkegårder, kremasjon og gravferd av 7. juni 1996

Stiftsdirektøren får fullmakt til å treffe vedtak knytte til følgjande reglar:

- 5.1 - tillate anlegg, utviding, nedlegging eller anna vesentleg endring av kyrkjegard og bygning på kyrkjegard, jf. gravferdslova § 4, 1. ledd.
- 5.2 - godkjenne vedtekter for kyrkjegardar, jf. gravferdslova § 21, 1. ledd.
- 5.3 - gjere vedtak i klagesaker etter gravferdslova § 24, 1. ledd.

6. Delegasjon etter forskriftene til gravferdslova

Stiftsdirektøren får fullmakt til å treffe vedtak knytte til følgjande reglar:

- 6.1 - gje fråsegn/tilråding før kommunen gjer vedtak om regulering av areal til kyrkjegard, jf. forskriftene § 2.
- 6.2 - godkjenne ein kyrkjegard eller ei kyrkjegardsutviding, jf. forskriftene § 6.
- 6.3 - samtykke i at andre minnesmerke enn gravminne blir plasserte på kyrkjegard, jf. forskriftene § 20.
- 6.4 - gjere unntak frå reglane om storleik på gravminne, jf. forskriftene § 23.

7 Delegasjon av mynde gitt frå Kyrkjedepartementet

- 7.1 Stiftsdirektøren får fullmakt til å treffe vedtak i følgjande spørsmål delegert til bispedømerådet frå Kyrkjedepartementet 19. juli 1996:
 - om at det skal førast felles kyrkjebok for fleire sokn i eitt prestegjeld eller ein kommune
 - å avgjere kvar kyrkjebokførande prest skal ha kontor.
- 7.2 Stiftsdirektøren får fullmakt til å fastsetje endringar i soknegrenser og endre namn på sokn når alle partar som endringane får verknad for, uttalar seg samrøystes positivt til endringa og under dette å ta avgjerd i spørsmålet om det skal veljast nye sokneråd, jf mynde delegert frå Kyrkjedepartementet til bispedømerådet 19. juli 1996.
- 7.3 Stiftsdirektøren får fullmakt til å treffe vedtak i følgjande spørsmål etter delegasjon i tildelingsbrev for 1996:
 - påleggje ein kommune å halde prestebustad og godkjenne vedkomande bustad som prestebustad
 - utbetale refusjon til kommunane og godkjenne endringar i refusjonsgrunnlaget
 - trekkje tilbake ei godkjenning som prestebustad
 - oppheve eit pålegg til ein kommune om å halde tenestebustad

8. Delegasjon av mynde etter reglar fastsette av Kyrkjemøtet

- 8.1 Stiftsdirektøren får fullmakt til å treffe vedtak i følgjande spørsmål etter Regler for valg av menighetsråd:
 - om val kan haldast etter dei ordinære fristane, jf. § 2.2 i reglane

- klager over valet, jf. § 13 i reglane
- om nytt valoppgjer, jf. § 14.1 i reglane
- om utfyllingsval, jf. § 14.2

8.2 Delelegasjon etter Tjenesteordning og kvalifikasjonskrav for kateketer § 4

Stiftsdirektøren får fullmakt til å godkjenne mellombels omgjerung av stilling innan undervisning (gjeld stillingar med statleg finansiering der det ikkje melder seg kvalifiserte søkjarar)

8.3 Delelegasjon etter Tjenesteordning og kvalifikasjonskrav for diakoner § 4

Stiftsdirektøren får fullmakt til å godkjenne mellombels omgjerung av diakonstillingar (gjeld stillingar med statleg finansiering der det ikkje melder seg kvalifiserte søkjarar)

9. Delegasjon til å gi fråsegn i saker etter plan- og bygningslova

Stiftsdirektøren får mynde til å gi fråsegn om kommunale planar.